

Kunngip peqqussutaatigut MitID aamma NemLog-in pillugit inatsit Kalaallit Nunaannut atulersinnissaanut tunngatillugu Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut. (Naalakkersuisut Siulittaasuat)

Saqqummiussissut

Siullermeenera

Kalaallit Nunaanni NemID 2012-miit atorneqalerpoq, kommunit innuttaasunut NemID-mik tunniussisalmata. Tamatuma kingorna NemID-mik atuineq annertuumik digitaliusumik imminut sullinnermut atatillugu ineriartorsimavoq. Ullumikkut NemID pisortanit aamma ingerlatsivinnit namminersortunit atorneqarpoq inuiaqatigiinni pingaarutilimmik inissisimasunut soorlu assersuutigalugu sullissivik.gl, pisortanit digitaliusumik allakkerivik, internettikkut niuernerq aamma aningaaserivinni digitaliusumik sullissinerit.

Kalaallit Nunaanni NemID-mik atuineq Danmark suleqatigalugu ingerlanneqarpoq, tamatumalu kingunerisaanik innuttaasut NemID Kalaallit Nunaanni Danmarkimilu atorsinnaavaat. Naalakkersuisut kissaatigaat Danmarkimik taanna pillugu suleqatigiinneq ingerlaannassasoq innuttatsinnut iluaqutissatut.

Naalakkersuisut siunnersuutikkut kissaatigaat innuttatta nangittumik isumannaatumik digitaliusumik atsiorsinnaanissaat qularnaarneqassasoq, aamma nunatta avataani atorneqarsinnaasumik. MitID-mik nutaamik innuttavut digitaliusumik atsiorsinnaalissapput Danmarkimi ungasinnerusorlu isigalugu aamma nunani avannarlerni EU-milu nunani.

MitID NemID-mik nutarterinerinnaangilaq. MitID nutaamik aaqqissuussineruvoq. MitID aaqqiissutaavoq digitaliusumik atsiorsinnaaneq aamma uppersaassutaasinnaasoq, innuttaasunut digitaliusumik isumannaatumik atsiorsinnaanerannik qularnaarisooq. Kommunit nangittumik innuttaasunut MitID-mik tunniussisassapput. Kisianni isumannaatsuunissamat piumasaqaatit MitID-mik tunniussinermi NemID-mut naleqqiullugu annertusipput. MitID-mik tunniussinermi ingerlatseriaaseq isumannaatsoq tassaavoq tamanut digitaliusumik isumannaatsuunermt tunngaviusooq.

NemLog-in tassaavoq digitaliusumik isissutissatut aaqiineq, taamalu innuttaasut inuttut paasissutissat imminnut tunngasut illersorneqarnissaannut piginnaatitaanerat pisortatut oqartussat illersuutigisinaallugu, innuttaasut digitaliusumik aaqqiinermik atuinermi. Innuttaasunuinnaangitsoq isumannaatsuuvoq. Oqartussat suliffeqarfiillu innuttaasup eqqortup digitaliusumik imminut sullinnermi paasissutissat iserfigisinnaanissaannut isumannaatsuunermik qularnaarunneqarput.

MitID-mik NemLog-in-imillu innuttaasut tamarmik atuisinnaanissaminnut periarfissaqarnissaaat isumannaarneqassaaq. Matumani utoqqaat allallu qarasaasialerinemik ulluinnarsiuteqaratillu sungiussissimangitsut immikkut aamma eqqarsaatigineqarlutik iliuuseqarfigineqassapput. Taakkununga qarasaasiamik atuinermut ilinniartitsinemik periarfissiisoqassaaq.

Taamatut oqaaseqarlunga aalajangiiffigisassatut siunnersuut Inatsisartunut suliarisassanngorlugu tunniuppara.